

*LA VITA L'E' NA  
LOTTERIA  
(a Calvisà)*

*SERIE  
4VQLO7619C8*

*Calvisano 15 novembre 2005*




*COMMEDIA  
BRILLANTE  
IN TRE ATTI  
In Dialetto Bresciano*

*DI  
OLIVIERO MIGLIORATI*



*Commedia e autore protetti dai diritti S.I.A.E.  
N°877530A*



## PERSONAGGI :

### UOMINI

**BARBIERE**  
**OSTE**  
**PENSIONATO**  
**MATTO**  
**TABACCHINO**  
**ARCIPRETE**

**ALDO**  
**SILVIO**  
**GIANNI**  
**RICO**  
**EZIO**  
**DON ALFIO**

### DONNE

**MOGLIE DI ALDO**  
**FARMACISTA**  
**TABACCHINA**  
**MOGLIE DI SILVIO**  
**OSTETRICA**  
**VEDOVA ALLEGRA**  
**GIORNALISTA**

**ELENA**  
**BRUNA**  
**SANDRA**  
**LINA**  
**IMELDA**  
**BIANCA**  
**LETIZIA**



***E' IL 2 GIUGNO IN UN PICCOLO PAESE DI PROVINCIA E' IL GIORNO DELL'ESTRAZIONE DELLA LOTTERIA NAZIONALE E AL BAR DEL PAESE SI ASCOLTA LA RADIO.***

LA RADIO-volare oh... oh.... cantare oh ...oh

LINA- (*insieme alla radio mentre sparcchia i tavolini esterrni del bar*) volare... oh ...oh cantare oh...oh.. nel blu... dipinto di blu, felice di stare lassù... e volavo volafo felice piu inalto del sole.....

SILVIO- sentelo la me Callas, come la canto... (*al pubblico*) d'altronde al festival de la cansù per la primo de utuer ...l'è stado nominado ugola d'oro nel 70 , 71 e 75 terno sec sö la röda de Milà (*a Lina*) te Lina, pö che a la Callas ta ga somèet a Mina

LINA- go la us ...come le ??

SILVIO - se se ... la us esplosivo !! vulie di che al prossim acuto.... ta sciopet come na mina... e aluro ciao us

LINA- (*facendo un acuto un po' arrabiata*) VOLARE OH OH !!!!

SILVIO - ma che uset... ulò.. a prepara la seno che iè quasi le ot... dopo riarà töcc i clienc e me mange al salto.... detèr e föro dal'osterio...

LINA- (*al pubbilco*) ghè che Imeldo l'ostetrico del paes, (*a Imelda*) la ma sömea föro orare siuro comar?

IMELDA: So restado senso söcher per la camomilò, ise so gnidò a tön una qualche büstino perché i ga sa belo sarat la botegà. (*a Lina*) stasero me gnit tarde debù; pensò Lina che go amo de disnà e ghe sa uro de seno.

LINA: Comöt? Ghe stat arghù che ga fat fadigò a naser o ghe gnit a casò tò un qualche muscù a fa la püntüra...so mio se ma so spiegado...?

IMELDA: Mochelo de dì stüpidade, ardo che me go 'na certo età e 'na reputasiù de mantegner, go miò tep de pensà a le püntüre che ta san'tendet te.

LINA: Il paese è piccolo, la gente mormora....ardò Imeldo che i la sa töcc che ta ghet un spasimante....primò o poi vegnarò a saì chi lè....

IMELDA: (*stizzita*) Silvio, dam che le büstine de socher che ghe riat el to amico Gianni de server.

SILVIO: Vo a töghele sübit

IMELDA: (*Ritira le bustine e si allontana salutando*) Salüde a töcc.

***ARRIVA GIANNI***

SILVIO- (*al pubbilco*) ghè za ché Giani... l'è en ferovier en pènsiù.... dopo la riforma pensionistico... el se mio fat scapà l'ultim treno.... el sa mio che fà e l'è semper ché a cöciago el gos a la me Lina ...che ghif capit.. mio al

pumili, a la me...Lina stacat ....e se ciao lasom perder..*(a Gianni che intanto si è seduto a un tavolino)* ciao Giani... set gnit a timbrà el cartilì ?

GIANNI- go mangiat de ondo e so gnit de curso... stasero a la radio i dis i nomer de la lotterio de Agnano... staolto l'è la olto che vense....go tot du bigliecc...giù lo töt che del tabachì e l'oter un mes fa, quando so nat a Roma dal Papo... là i vens semper !!

SILVIO- ta ghet rizù ... se pò l'è la lotteria de Agnano... sta sicur che lur...la a Roma se la M-Agnano !!!

GIANNI- ah, ma me staolto ma so infiltrat..." se non puio batterli ... unisciti a loro !!! *"(intanto cerca la stazione radio con i biglietti in mano)*

SILVIO- gà lò apò a mè un bigliet... ma so pò endo lo mitit... te sta pör che a scultà l'estrasiù a la radio, che me entat vo a seno, sa edom dopo che se ta enset tirom so una butiglio de chel bu.

*INTANTO ALDO IL BARBIERE SCOPA FUORI I CAPELLI DALLA SUA BOTTEGA E ESCE, E CON LUI L'ULTIMO CLIENTE... IL MATTO RICO,(UN ADULTO VESTITO DA BAMBINO, UN PO RITARDATO E BALBUZZIENTE ) CHE VA SEDERSI SULLA PANCHINA.*

ALDO-ciao Giani , set za chè a bagnat el bec stasero ?

GIANNI- eh me so mio fürtunat come te che ta stet ös a ös col vin santo de Silvio.. me mamò la ma ardo drè, da quando so en pensiù un bicer a pasto e uto.... fürtuno che la sero scape e vegne al bar a zogà a carte.... e a ciciarà sa seco la piidò....

ALDO- ma ades l'è un po prest... me gò amò de seno !!!

GIANNI- so gnit per la lotterio.... sito sito che gò ciapat la stasiù...

RICO- aaa anche me me ier so so nat en sta stasiù e gogo gogo est a papa pasa el "papa Parma".... tu tu...tuuuu.. el nao dirit come en didi diret

ALDO- tu tu ta let dit propes bè....

GIANNI- ma no Rico... la stasiu de la radio!!!...

RICO- el tre treno sa fefe fermel apò a lala stasiù de lala radio ?... ma qualo elo... ?

GIANNI- Rico.... La stasiù.... la frequenso...La bando... de la radio !!!

RICO- ghero apo la baba bando en stasiù ?... ma coco con che frequenso valo la baba bando en stasiù ?

GIANNI- lasom perder.... Te Rico a proposit de bando, stasiù, müsico, ta la mai dit nüsü che quando giù el sa encocaoio l'è ase che'l cante per na drit come un diret?

RICO- se... pro.. pro.. prope me che go un oreciò de so ...so...so..

GIANNI-de sòcò?

RICO-no no no de so...so...sòid

GIANNI-sito sito che a la radio i taco a da i nömer

ALDO-i nömer ma somèò che sif dre a dai voter du... segnei zo ...che en bigliet  
ga lo apo a me (*e rientra in bottega*)

RADIO- stanno per avere inizio le estrazioni della lotteria di Agnano... primo  
premio 4 milioni di euro... 8 miliardi di lire...

RICO-apo apo a me gaga lo... ma gaga lo daaaat a Pi pi pipi piii

GIANNI- el bagn lè nel'ostreio en font a destro

RICO- pipi ... Pixi !!!!

GIANNI-endoei i me bigliecc... a ecoi che, ardom

RADIO- primo numero estratto... numero 4

GIANNI- numero 4... ga lo, ga lo ...(*urlando a Lina che è nell'osteria*) Lina  
portem en bicer de vi... svelta

RICO- a me na ce ce cece ceeee

GIANNI- na ceres ?

RICO- no!!! Me voe na ce ce cece ceeee

GIANNI-Rico canto!!!

RICO- (*cantando*) me voe una cedrado

TUTTI-barabonzi bonzi bo

GIANNI- sito sito scultom la radio

RADIO-seconda estrazione....lettera V

GIANNI- e due... ga lo dai so... Lina el bicer de vi...

RADIO- terza estrazione .... lettera ... Q

GIANNI- alé... anche la Q ga lo... Lina el vi ... ta preghe

LINA-(*da dentro l'osteria*) en minut... che uset !!

RADIO-quarta estrazione.... lettera .... L

GIANNI- e vai ... ga lo ... Lina cori

LINA- -(*da dentro l'osteria*) so dre a mangia .... l'asem fini el bucu !!!

RADIO- quinta estrazione ...lettera O

GIANNI- Linaaaaa... ale ,la O... ga looooo, Linaaaaa..... el vi ta suppliche !!!

LINA- -(*da dentro l'osteria*) so dre a na a tol .... Calmet

RICO- la me cece cedrataaaa !!!

RADIO- sesta estrazione..... numero 7

GIANNI-(*sempre più agitato*) urco cane... dai dai ...Linaaaaa svelta.. !!!

LINA -(*uscendo solo con la testa dalla porta e con tutta calma*) ma el vot ross o  
bianch ??

RICO- me me la voe veve verde

LINA- fa sito te seno ta la do me na cedrata (*mostrando il pugno*)

RADIO- settima estrazione.... numero 6

GIANNI-alé... 6 6 6 ....(*a Lina*) ma porto chel che ta ot... ma möet föro!!!

RADIO- ottava estrazione... numero 1

GIANNI- alé... numero uno... e vai !!!

SILVIO- (*esce con il tovagliolo nel colletto della camicia e la bocca sporca di sugo*)  
ma che sucet ensomo... che ghe de usa ???

GIANNI- la lotterio Silvio la lotterio !!

RADIO- nona estrazione.... numero 9

GIANNI- nove.... nove... Silvio nove... ghet sintit... nove!!... ale..., Lina.. el me bicer !!!

LINA- *-(da dentro l'osteria) rie ... rie*

RADIO- decima estrazione... lettera C

GIANNI- C alé C... C de... furtuno alé Lina el vi... ma endoelo nado a to el vi... en stasiu da Vigano (*cantina del paese*)

SILVIO- vo me a eder... te sculto... sculto bé !!!

ALDO- chè elò totò chesto cagnaro ??? che sucet enfati ?

GIANNI- l'è na lotterio Aldo...na lotterio !!!

RICO- i fafa a pepe pegn Aldo ...a pegn perchè ghe...ghe la so...so...sotrasiù!!!

GIANNI-che ghet capit chi? Ghe l'estrasiù!!!

RICO-l'e a...a...ac chelo.

RADIO- undicesima e ultima estrazione (*rullo di tamburi*) .... numero ...

GIANNI- numero ?

RADIO- numero... 8

GIANNI- otto... otto alé... alé... otto !!!

LINA- (*uscendo col bicchiere di vino*) ecol ché .... che ghè sucess ?

GIANNI- otto ....Lina otto... alé !

SILVIO-*(uscendo con un bottiglione da tre litri)* otto... alé !!! Lina lasò perder el biciri .... otto... ! bisogno brindà !!! alé !

ALDO- otto .... alé

***SILVIO STAPPA LA BOTTIGLIA E VERSA DA BERE A TUTTI.***

SILVIO- alla salute cento di questi giorni

TUTTI- alla salute

ALDO- te ma... de quant' erel el primo premio ?

SILVIO- 4 milioni di euro.... 8 miliardi del vecchio conio !!!

RICO-coco conio... che che che che vecio el che che che gaga ga mitit i soso solcc ?

LINA- che cül .... te ma Gianni che robo en fet adess de töcc chei solcc lé?

GIANNI- (*intanto si è scolato tre o quattro bicchieri*) ma quai solcc ?

SILVIO- come quai solcc... chei de la lotterio !!!

GIANNI- lotterio ?... ma che ghif capit... ardì che mé go becat apeno i prim des numer !!!

LINA-fam veder... esa....apeno i prim des !!!

SILVIO-vigliaco!... ta met fat derver la butiglio che tignie le per le grandi occasioni.... e po ta ghet gna insit !!!!

GIANNI- mé to fat derver nient !

SILVIO- ma come... e tocc chei.... olé...alé ??

GIANNI- ardo che i prim des numer io ciapacc debù.... e dopo ma so lasat trasporta dall'enfasi.... ma go mai dit che ghere insit... !

RICO- chichi chi el che tata ta popo portat ...l'infasil ?

ALDO- ormai ta lét dirvido.... fomelo mio na de mal...



LINA- se..... ma chi pago ?

GIANNI- mandego el cont a chei de la lotterio de Agnano !!!

ALDO- però staolta ta ga set nat visì... ta enmaginet che festo faem...

GIANNI- e secondo te se vinsie.... gal contae a tot el paes.... Isé en quater e quatrot restae net come un pom !!! A proposit va a to el to bigliet e ardom se te ta ghet vinsit

ALDO- e chisa en do galo, duma el serche

RICO- me gaga ga lo dat a pipi pipi Pixi...

SILVIO- (*uscendo dall'ostria col biglietto*) che sfiig...rtuno el set che apo el me bigliet el cumincio con 4 V Q L O... e vio fino al... 5... ah, beomego suro, visto che ormai lo dirvido !!!

*I QUATTRO SI SIEDONO AL TAVOLINO E COMINCIANO A GIOCARE A CARTE... E SI FA BUIO (LE LUCI SI ABBASSANO)*

*E' MATTINO DI SABATO, LINA E' DI FUORI CHE SPAZZA TRA I TAVOLINI E ARRIVA GIANNI.*

LINA- (*cantando*) fin che la barca va... lasciala andare... fin che la barca va.... Tu non remare... quando l'amore viene un campanello suonerà... fin.....ardel che... el sior pensiunat.... ma perché set mio stat en del lèt, té che ta podet ?

GIANNI- go mio durmit tötto not ... saral stat el vi dols... o forse l'enfasi... ma söghetae a pensa ai prim des nomer...

LINA- des iè mio asé... iero öndes de ciapa !!

GIANNI- ma ga penset.... se vinsie 4 milioni di euri....

LINA- ta sares gnit subit un culp .... e tò mamò la sa iares gudicc !!!

SILVIO- (*arrivando col giornale*) ardo che no ciapat des apo a mé... e se garese insit mé ...stamatino sarese mio leat so a derver el bar e a tö i giornai !

GIANNI- se brao ise töcc garesem capit subit che a enser ta seret stat te...ta saret el bar gna a Pasquo e Nedal !!!

LINA- me.... se ghes de enser töcc chei solcc lé...., metà i darese en beneficenso... la parocchio la ga bisogn del teatro !!!!

SILVIO- se, sa fa bel a parla quando i solcc sa ga ia mio en ma ! chisa endo ie nacc a finì .

GIANNI- a sa fa prest a sail... ardom el giurnal .

LINA -pronti

GIANNI- aluro... politico... sport .... cultura... ecoi che... lotteria...

*GIANNI LEGGE IN SILENZIO POI GUARDA LINA E SILVIO IN SILENZIO E POI RILEGGE, POI DICE*

GIANNI- porco cane ma goi lisit giöst... “VINTI A CALVISANO I 4 MILIONI DELLA LOTTERIA DI AGNANO.”

LINA e SILVIO- a Calvisano ????

LINA- ma dai... ta scherset...fam veder... l'è ero....a Calvisano !!!

SILVIO- e chi ga insit ?

GIANNI- ah chel i la dis mio

SILVIO – eco perché el me bigliet el tò i cominciao con i stes des nömer.... i fa parte del stes blochet !!!

GIANNI- el blochèt che ga indit el nost amico Ezio !!!

SILVIO- quindi vòl di che arghü de Calvisa ier l'è dèntat.... milionario !!!!

GIANNI- gom assolutamente de scupri chi l'è... e dènta so amici se vulom leca argoto apo a noter !!!

LINA- de sicur stamatina el sara alegher come na pasquo.... el sara mio difcil egner a saì chi l'è.

### *DAL NEGOZIO DEL BARBIERE SI SENTE CANTARE ALDO CON VOCE DA TENORE*

ALDO- figaro , figaro... figaro... figaro... tocc i ma serco... tocc i ma ol ... giü a la olto per carità.... me so en barber... de qualità , de qualità de qualitàààà...(uscendo in piazza ) tuse le fonne.... tuse i puti... sbarbe le none ed i nuni... figaro....figaro... figaro.... di qualità ,... di qualità

### *GIANNI SILVIO E LINA SI GUARDANO STUPITI*

GIANNI- sentel el nost barber canterino.... t'ere mai sintit a cantà

LINA- comöt ta set isé alegher ?

SILVIO- ghè forse mort to suocera ?

ALDO- chè ghè de strano ... cuore allegro il ciel lo aiuta !!!

GIANNI- il ciel lo aiuta ??

SILVIO- lo aiuta !!!! (*facendo a Gianni e Lina il segno di ...soldi*)

### *INTANTO ARRIVA RICO CON LA CHITARRA A SPALLE*

LINA-oh!!! Signur...Rico chè ghet dre amo?

RICO-el ma la dit Gi...Gi...Giani che se empare a ca...ca...cantà ta...ta... tartae pö

LINA- e chè ga entro la chitaro?

RICO-sicome go argognò a ca...ca...cantà de sul ma co...co...compagne!

SILVIO-sperom che ta san'cante mio la puntino apo n'del cantà!

RICO- A aaldo.... gogo de egner a a amo da té a fafa fam giösta i caca caca...

SILVIO- i canai ?

GIANNI- i capei ?

ALDO- I casonsei?

RICO- ma no i caca caei... ise i mama pipi pipi ...  
GIANNI- udicere la ga scapo amo...!!  
RICO- isé i ma pipi pias mio !  
ALDO- che gai... ise ie a l'oltem grido  
RICO-enfafati me mama mamamo la se mimitido a usa ...!!!  
ALDO- e come i völet ?  
RICO- ise i ma pipi pipi...  
ALDO-se chel lom capit.... ma come i olet ?  
RICO-i voe pepe pe lonc !!!  
ALDO-se se... va a caso a to l'attac che ta tache chei de ier sero ... cori !  
RICO- ghif vevest el me pipi pixi peper caso ?  
SILVIO-no lom mio est ! cori va a caso che te mort l'achina!

***RICO ESCE DI SCENA CANTANDO (...capelli lunghi non porta più...)***

SILVIO- Aldo.... ma ghet za fat colasiù ?  
LINA- ta ularet mio cumincià a laurà a stomec vöt  
SILVIO-dai Lina.....preparego en cappuccio con tanto sciömo e la panno.... che  
mé vo da la Macarino a tö i cornetti fresc... svelta

***LINA ENTRA NELL'OSTERIA E SILVIO VA DALLA MACCARINI***

GIANNI- sentet zo Aldo....eh che belo giornado stamatino ghe en bel  
sulitù...neh...?  
ALDO- ma veramente ma someo che sapes dré a rià en temporal...  
GIANNI- to sintit a cantà.... el set che ta set prope brao.... perchè net mio a  
cantà nel coro de S.Cecilia ?  
ALDO- me so timit..... rie mio a cantà dàanti a la zent  
GIANNI- ma... stanot ghet durmit bé ?  
ALDO- a sé sé ... come un sior !

***GIANNI NEL SENTIRE "SIOR" BALZA IN PIEDI E CAMINCIA A SFREGARSI LE MANI***

GIANNI- ***(al pubblico)*** el ga dit sior...sior!!!  
LINA- ***(uscendo dall'osteria col cappuccino )*** ecol ché per el nost barber  
canterino.... con tanto belo panna montado.... fado col lat de la achina  
de me suocero... fresco fresco !  
SILVIO-***(arrivando con i cornetti)*** ecoi ché per el nost barber canterino i cornetti  
freschi apeno sfurnacc.... iè amo calcc...  
ALDO- eh la maròsco ma che sucet ? ma che servissio !!! ma enco l'è mio el mé  
compleanno !!!***(e intanto prende un cornetto e incomincia a inzupparlo nel  
cappuccio )***

### **SILVIO DA UNA GOMITATA A GIANNI CHE SI FA CORAGGIO E DICE**

GIANNI- té Aldo... ma ...let truat el tò bigliett de la lotterio ?

ALDO-*(con la bocca piena )* bigliet ?... qual bigliet ?

LINA- gheret mio dit che ta gheret cumprat en bigliet apo a te ?

ALDO- a se se ... ma ga lo mio mé... pense che la ga labes nel portafol la me fonno ! *(e fa per prendere un altro cornetto )*

### **SILVIO VELOCISSIMO PORTA VIA IL PIATTO CON I CORNETTI**

SILVIO- come la to fonno ?... ma aluro tal set mio se ta ghet insit o no ?

ALDO- insit ? ma che robo ?

GIANNI- el prim premio.... *(prendendo il giornale)* les ché .... vinti 4 milioni a Calvisano !!!

ALDO – orpo cane ! ma chi saral stat el furtunat ?

LINA- magari l'è argü ché conosom ... e che el fa finto de mio sail... per tignisei töcc lu !!!

ALDO-*(stupito e indignato)* val giure sol cò de me suocerò... mé so nient... el bigliet el ga là la me fonno !!!

GIANNI- ma endoelo adès la tò fonno ?

ALDO –l'è 'ndado a Riultèlo da so mamò.... e la turnarà stasero

GIANNI- ta ricordet con che nomer el finio el bigliet ?

ALDO-no.... dumandighel a la tabacchina..... lo cumprat da lé el bigliet

### **SILVIO CHIAMA LA TABACCHINA A GRAN VOCE**

SILVIO- Sandra... Sandra... ve föro en minut

SANDRA- che ghè de usà... ghè el terremoto?

SILVIO- el terremoto el ga sarà... ghet mio lisit el giornal... tè che tai vendet !!!

SANDRA- no.... chi ghe mort .... el Papa.... Berlusconi....o Prodi ?

GIANNI- iet vindicc töcc i biglietti de la lotterio de Agnano ?

SANDRA- ga n'ere 5 blochecc... e m'è restat tre o quater bigliecc... ma ormai l'estrasiù i la za fado !!!

SILVIO- el som che i la za fado.... ma el set chi gà insit ?

SANDRA- che öt che sape mé.... chi che ga insit.... pèto pèto... vulif dim che ga insit en bigliet dei me.... *(tutti fanno si col capo )* madoro me e chi saresel ?

SILVIO- lè chel che uliem sai da té... ta l'et vindit té !!!!

SANDRA- pòto come foi a sail... me ga scrie mio so el nom a töcc i bigliecc.... en moment ...vo a tö le matrici !

### **SANDRA ENTRA IN TABACCHERIA ESCE CON I BLOCCHETTI**

SANDRA- eole ché !

**GIANNI-** a noter ma entereso chele che cumincio con 4VQLO.... chèste , ghe ne apeno en blochet .... 10 biglietti... tutti venduti meno uno...finale 6!!!

**SILVIO-** ta ricordet a chi ta ga let vindit?

**SANDRA-** ma ricorde propes mio... me so mio come chele tabachine che quando ta net deter le ta fa el terso grado e le ta cao le rais per un marco de bol !!! en bigliet i la comprat quasi töcc en paes... ma da qual blochet??

**GIANNI-** podares eser chiunque !!

**SANDRA-** Che scecc, bisogno das de fa, tirà le orece, interpretare i segni, aguzzar l'ingegno, come disse il poeta, el paes l'è come una famiò se ghè n'è per giù ghé n'è per töcc.....sotò aluro

## **FINE PRIMO ATTO**

## SECONDO ATTO

*SONO PASSATE ALCUNE ORE AI TAVOLINI CI SONO GIANNI , SILVIO E ALDO CHE DISCUTONO QUANDO ARRIVA BIANCA LA VEDOVA INCONSOLATA DEL PAESE TUTTA VESTITA DI NERO CHE VA A SEDERSI SULLA PANCHINA A LEGGERE UN LIBRO.*

SILVIO-(*a Bianca*) lèche, la la comprat de sicur

ALDO- bisogno na a dumandaghel !

GIANNI- se.... certo.... nom là e ga disom: Bianca set deèntado milionario.... ta anso mio en miliù per noter che gom de fa festo !!

SILVIO- ma no...bisogno fasel dî senso che le la sa nincorses...con circoscrisiu!!

GIANNI – circo chi ???

ALDO- facendo finto de nient... ta ghet de scupril ise.... per caso... !!

GIANNI- come come ... “ta ghet”.... garo mio de nago me !!!!

SILVIO- ta set l’unic che ghe bù de parlà

ALDO – e pò la Bianca de té l’è semper stado enamurado .... fin da picinino

GIANNI-oh... ma me so pöt de origine contollata !!! se la ma et me mamo ...

....la ma spart en dù, ormai la penso che me sa pes el bastu de la sò vecchiaio... l’è geluso come en cà del so oss !!!

SILVIO- descolet da le traerse de to mader, ormai ta set grant ase dai coraggio möet föro.... fal per toi noter... ghe 4 miliù che balo !!!

GIANNI-laso che i bale...me go argognò...

ALDO- me nono el disio semper.... “le mei deènta ross... che magher !!! “

GIANNI- va bé proe... ma voter ciamim se rio me mader !!!

*GIANNI PRENDE IL GIORNALE E SI AVVICINA ALLA PANCHINA E SILVIO E ALDO TORNANO NEI RISPETTIVI NEGOZI DA DOVE SPIANO*

GIANNI-Ciao Bianca ... set dré a leser en liber ?

BIANCA- no..... so dré a fa el chiacchierino.... en per me !!!

GIANNI- eh !!!! iè monencc brocc !!... te ma.... Bianca come sa ciamael el tò om...

BIANCA- Lino... ta ricordet pö !!!

GIANNI- ma mia de nom... de cugnom

BIANCA- lü l’ero en Sacchetti

GIANNI- e te ta set... Farina de cugnom

BIANCA- se ... e aluro ?

GIANNI- pòto aluro te ta set .... Farina ...Bianca...Farina Bianca in Sacchetti ...di Lino...(si fa una risatina ) to bubà gherel mio el muli per ‘na a le zelie ?!!!!

BIANCA- sent chi parlo... ma te Gianni envece che cugnom ghet ????

GIANNI- pòto me so Barba... perché?

BIANCA-*(sbeffeggiandolo)* il signor BarbaGianni... to bubà gherel mio n'aleament de poi per caso ? to mamò i la ciamo amo ades... Anna dei poi??? ... poi-Anna... rapace apò a lé !!!

GIANNI- eh..... come ta set permaluso...

*GIANNI SI GIRA A GUARDARE A DESTRA E SINISTRA ,SILVIO E ALDO CHE DA DIETRO LE TENDE DELLE LORO BOTTEGHE SPIANO E CON LA MANO GLI FANNO CENNO ... DI SBRIGARSI.*

GIANNI-Bianca ma... da quanto tep el mort el tò Lino ?

BIANCA- ormai iè za ott agn .... pace all'anima sua!!

GIANNI-ott agn l'è na vito.... chissa come ta sa sentaret sulo...senso nüsü con cui divider le to giornade...le to gioie...le to... furtune !!!

*BIANCA CHE FINO AD ADESSO AVEVA PARLATO SENZA STACCARE GLI OCCHI DAL LIBRO GUARDA IL PUBBLICO CON GLI OCCHI SBARRATI E DICE*

BIANCA-*(al pubblico)* el sarà miò dre a proago con me ??? ( *e poi sorridendo li socchiude! e dice*) perché no !!!!

BIANCA-*(a Gianni)* furtune...furtune a olte a la furtuno bisogno nago en contro ( *e intanto si avvicina a Gianni*)... ötalo

GIANNI- certo certo... se té ta et mio da lé ... lé la ve mio de sigur de té !!!

BIANCA- conose en sac de zent che la furtuno... i ga la ido en ma ( *e gli prende una mano*) .... e dopo i se le lasado scapà !!!

GIANNI- a chi gal diset.... me gal'ere en ma...*(senza accorgersi alza la mano di Bianca)* ma dopo go catat föro a caso e la m'è mio nado bé...o magari argü el ghero za ciapat ... chel giöst ...!!!

BIANCA- chel giöst...magari ta penset che l'è chel giost e dopo ta nincorset.... *(prendendo anche l'altra mano di Gianni)* che forse l'ero mei chel'oter !

GIANNI-*(Gianni salta in piedi)* cosa olareset di... che ta ghet mio catat föro ch'el giöst !?!?... che ta set mio stado mio fürtunado !!!

BIANCA-fürtunado... quant lo catat foro.... el ma sumeao chel giöst... ma col prim... l'è mio nado come ma sa entendie me !!!!

GIANNI- e col secont ?

BIANCA-*(saltandogli al collo)* col secont sarò de sigur pö fürtunado !!!!

GIANNI- *(facendo un passo indietro)* quindi el set gnamo se ta ghet ....tòto chelo fürtuno ?

BIANCA- come foi.... garese de ar dai be.... metii visi töcc du e fa dei confronti!!

GIANNI- ma ardo che me gò el giornal.... se ta ma fet veder la to fürtuno.... me pode dago en ociado e controlalo ... e dit se ta podet sta tranquilla !!

BIANCA-*(sdegnata)* cosa vöt veder !?! che en mes a töcc !?!

GIANNI- vòe veder se ta ghet töt a post... se ta ghet i nomer giöst... se ta podet venser el superpremio final !!!!

BIANCA- ma bröt spurcaciù de en spurcaciù... ta piasares ah?? *(e comincia a mollare ceffoni)* ta la do mé la sbirciatina anticipado.... *(e giu botte)*

GIANNI- oh ma che fet... che robo ghet capit .... aiuto ,aiuto !!

### *A QUESTO PUNTO SILVIO E ALDO ESCONO IN SOCCORSO DI GIANNI*

ALDO- ma che sucet enfati ??

SILVIO- fermi... fermi che ghet dit Gianni ???

GIANNI- ma nient.... la mé burido come na mato !!!

BIANCA- nient ?? chel spurcaciù l'è el vòl da na controlado se ghè töt a post... primo de dichiaras !!!!

ALDO- ma che ghet dit sö, enfati, Gianni ?

GIANNI- ma me vulie sai se la ghero tocc i nomer giösc... se l'ero l'è la fürturnado !!!!

BIANCA- fürturnado !!! bröt maniaco... ades capese perché ta set mai spusat... tai do mé i nomer.... sol co però !!

SILVIO- Bianca calmet che, ghè en equivoco.... forse Gianni el vulio sai se ta gheret comprat el bigliett de la lotterio de Agnano ?

BIANCA- el bigliet de la lotterio de Agnano! certo che lo cumprat ! ma che ga entro el bigliet?

ALDO- Gianni el vulio sai se ta gheret i nomer del bigliet vincente.... se ta seret te che ga insit el primo premio... 4 milioni di euro... vinti a Calvisano!!! bigliet vindit da Ezio el nos tabachì !!!

BIANCA- madoro mé l'o cumprat en mes fa .... chisà se ga lo amo... vo subit a caso a sercal... *(poi guarda Gianni e con voce soave)* scüso Gianni ... ghere capit mal !

GIANNI –preocupett mio... pode capì...*(al pubblico)* ott agn da sulo !!!!!  
...*(a Bianca)* pode capì...cori va a serca el bigliett... e se ta ghet vinsit ... scapo mio che noter vulom festegia...e a la grande !!!

BIANCA-ades go de nà al mercat.... sa edom stasero a le ses!!! sta sicür che turne.... insit o mio insit !!!!! *( esce di scena mandando a Gianni un bacio con la mano )*

GIANNI- *(si assicura che sia andata)* maniaca !....

SILVIO- penso se la ga insit lé debù...

GIANNI- ta ghet rizù.... l'è mei tigniselo buno !

### *INTANTO LE CAMPANE DELLA CHIESA SUONANO A MORTO*

SILVIO-suno le campane de mort, ma... chi sarà mort ?

ALDO- dumandeghel a Ezio l'è lü che taco föro i mortore

SILVIO- Ezio .... Ezio...



**EZIO-** (*uscendo dalla tabaccheria*) che ghe de usà.... ghif scoperto chi gà vinsit ?

**SILVIO-** magari.... no vuliem saì chi ghè mort....

**EZIO-** ghe mort el Moretto... el nunì del ricovero senso decc... chel che sögötao a basà sö i putì... e pò el ga dao na mintino.

**GIANNI-** l'è mio tat che lo est ché en giro.... el vulio dam un basì a po a me !!!

**EZIO-** el funeral i la fa dumà a le tre ... poarì ....

### ***INTANTO ARRIVA RICO CON LA MAGLIETTA DELL'INTER***

**RICO-** ciao ciao.... dodo domani l'Inter vivi vince... si si

**EZIO-** Rico... la zoghet mio stamatino la schedino ?

**RICO-**noè... tata ta nto l'Inter vivi vince

**ALDO-**chi tala dit che la vens ?

**RICO-** el ma la didi dit el me pipi pipi

**ALDO-** let lisit nel la to pipi ?

**RICO-** ma no..... el me pipi pixi.... me go dat le la bibi bibi...

**ALDO-** la bibbio ?

**RICO-** bibi bisteco e lu en quaqua quater e quaqua

**ALDO** – qua qua qua qua ... el to pixi el un nedrot ?

**RICO-** quater e quaqua qua quatrot e le le papa papa pupu...

**ALDO-** oh!!! ... pipi papa pupu ... ghet mio apo popo ?

**RICO** – el la... paaaapulodo !!!

**ALDO-** e che ularesel di ?

**RICO-** L'Inter la zögo co la fifi fifi

**ALDO-** firtuno?

**RICO-** fiorentina!!!

**ALDO-** e aluro ?

**RICO-** ardo che anche pipi pixi l'è interisto !!!

**ALDO-** e aluro ?

**RICO-** la Fifiorentina.... ai ferri.... gnam gnam... völ di che che vensom !!!

**ALDO-** madoro mé sto che apò a scultat (*e rintra in bottega*)

### ***INTANTO ARRIVA L'OSTETRICA IMELDA E RICO SE NE VA***

**IMELDA-** Ezio ghe argü en butego... ma ocor na marco de bol per un testamet... e un ...

**EZIO-** ardo che la nosto comar Imeldo !!! se deter ghe la me fonno (*e Imelda entra in tabaccheria*)

**SILVIO-** testament.... che ghè soto argoto

**GIANNI-** che bisogno endaga...en do sa fa en testament nof...giro semper dele palanche nöe !!!

**SILVIO-** staolto Ezio toco a te dai come la ve foro falo parla e serco de saì chi völ cambia el testament !

EZIO- va be proe.... Sito che l'è dre a egner foro.... ciao Imeldo.... come alo...va tot be ?

IMELDA-*(esce con il bollo e un fiocco azzurro in mano)* se se el solit tram tram

EZIO- ma.... go sintit che ta ghet dè fa el testament.... set dré a morer ?

IMELDA- ma set mat....l'è mio per me,... me so semper che la poareto de ier l'è per ...so mio se pode ditel ! pense che el spetes a lu l'onore de dil a tot el paes

EZIO- oh mamò che segreti!!!

IMELDA-carò el me tabachì....che ghè en bal en sacc de miliù

EZIO-de miliù ? *(si volta col capo e fa due occhioni Gianni e Silvio seduti ai tavolini)*

IMELDA- certo a sto tissio.... ier ghe riat adoss na fùrtuno... che te ta sà l'ensomiet gnach

EZIO- che ghe sucess enfati....sto tissio gal catat foro el mument giost per ...staca el bigliet ?

IMELDA- te ta sal'ensemagnet gnach quate olte el ga pröat ....e la ghe mai nado riesò!

EZIO- eh, disom che ga öl un po de fùrtuno....e sogotà a pröa... mio semper se fùrtinacc al prim colpo !!!

IMELDA- ta ghet risù...ghe apò arghù che i la olares mio, envece i sa la troè en gròpo senso saì da che bando el riò

EZIO- eh i dis che i la ölares mio...ma quando ta ga let lé... en ma....pense che töcc i naghess al settimo cielo

IMELDA- ah...la sò fonno quando la ga la it en mà, l'ero cunteto come na pasquo...le la la spetao pö tant che lu...la ga za na certo eta...ormai la sero rassegnado !

EZIO- ma...set sicuro che l'è propes el prim...

IMELDA- e certo, senò el nono el fao mio so töt chel cincell... per l'erede !

EZIO-ma te l'et vest coi to öcc...set sicuro che quando i la estratto ... gheres tot giöst

IMELDA- oh...per chi m'et ciapat, me so la levatrice...sere lè me ier sero ...e go asistit a töt l'evento minuto per minuto...ga lo it en ma me per mezurò...ta sicüre che ghero töt a post

EZIO- ma a te che tai dit... de dighel a nisu ...de fa sito... ?

IMELDA- ma set mat ...i la spetao da vint agn...pense che i la usarà ai quattro venti...e pò duma el la saàra töt el paes !!!

EZIO- perché ?

IMELDA- i ma fat comprà el fiocc celest !!! dumà i la edarà töcc

EZIO- el fioc ? che centro el fioc ....chel sal met quando nas en pütì

IMELDA- *(mettendo una mano sulla spalla di Ezio)* ma som dré a parlà de chi noter dù ?

EZIO- ma del tissio che ghe capitat la furtuno ier sero de enser quater miliu a la lotterio de Agnano !!!

IMELDA- ma per chi met ciapat ? me fo la comar e go fat naser mes Calvisà!!!  
ier sero s'ere a caso del fiöl del conte Ciucci ! a fa naser so niut l'erede  
del casato , el prosim conte Ciucci

EZIO- ma el testament aluro...

IMELDA- el conte Ciucci el molao gna na palancò a so fiöl se el ga dao mio un  
erede... maschio ! e ier sero l'è riat !!!

EZIO- ma aluro coi miliù, la lotterio la ga entro mio !!

IMELDA- che ga entro la lotterio ?

EZIO- ier sero a Calvisa argü ga insit el prim premio...4 milioni di euro !!!  
pensae che ta seret dre a parla de chelo fürtuno l'è

IMELDA- madoro che c...fürtuno... ma veramente en bigliet ga lo a pò a me...  
ma go gnamo controlat.... Ades vo a caso e arde... ciao l'asem 'nda

### **IMELDA CORRE A CASA**

EZIO- gom sbagliat apo staolto....beato el conte Ciucci, a lü la lotterio la gä  
entereso prope miò

SILVIO-gom de sta pò atenti e dighel mio a töcc che el bigliett i la insit a Calvisà

### **INTANTO ARRIVA COL CAMICE BIANCO LA FARMACISTA BRUNA... CHIAPPA**

BRUNA- ghe argu che ga de cambiam 500 euro?

EZIO- pröo da la me fonno (*Bruna entra in tabaccheria*)

SILVIO- 500 euro.... ma l'è en miliù.... solcc i fa solcc, che bisogna vardago  
deter... vo a ciamà la me fonno (*Silvio entra nel bar*)

ALDO-la dottoressa Bruna Chiappa... ma gherelo mio dò sorele ... che ie nade a  
sta a Milà ? come sa ciamaele ?

EZIO- giöno Chiara e l'otro Rosa

ALDO- certo che i signori Chiappa i ga it, na belo fantasio... Chiappa Bruna,  
Chiappa Chiara e Chiappa Rosa.... ma el buba come sa ciamael ?

EZIO-come öt che el sa ciamaes...Felice... Chiappa Felice !!!! per mio parlà del  
nono, el sa ciamao Teodoro ma töcc i la ciamao Doro.... Chiappa Doro!  
.....sito sito che le dré a egnor föro.

BRUNA-(*uscendo con Sandra*) ta salude Sandra, vo a derver la farmacio che lè  
za tarde, ciao

SANDRA- preocupet mio Bruna... ta edaret che nara töt apost... certo che la  
ga öl töto da vià le suposte de glicerolo envece de le pastiglie de  
viagra.... (*e rientra in tabaccheria*)

BRUNA- sperom che el sa rimetes.... e che el ma faghes mio causo !!!

LINA- (*intanto è arriva Lina* ) che ghe sucess enfati ?

BRUNA- nient nient... che sa parlo de miliù... e ie robe che l'è mei che el la  
sapes mio töt el paes !!

LINA-*(si gira verso Aldo e Ezio e li guarda meravigliata ... è Lei)* cara la me  
Bruna.... ormai i la za mitit söl giurnal !!!

BRUNA- söl giurnal ???

LINA- se... stamatino...ghero scriit: a Calvisano !... e a na a sero el la lezarà töt  
el paes!

BRUNA- madoro ....e ades che foi ? se ve a sail töt el paes...töcc i sa enventarà  
na scüso per pretender argoto a pò a lur e a me ma tocara tira föro un  
sacc de solcc per fai fa sito !!!

LINA- ormai ta podet pö scapago !!! ma come ghet fat a cata föro propeschel...

BRUNA- fa sito... l'è el me bröt vese de mio meter sö i'ociai... tal set i ma fa  
somea pö ecio de vint agn... ise quando so nado per cata foro... i  
pachecc iero toi du blö e ma so scunfundido

LINA- ma aluro ta set nado isé a caso.... terel mai capitat primo ?

BRUNA- che me sapes nò .... ma l'è le la me poro ! sperom che gan sapes apeno  
giü che reclamo !!

LINA- ah de sigur ga nè apeno giü... en chesti casi sa ga mio de igo poro.... söl  
giurnal ghero scrit apeno un estratto...me go supposto che ta seret te

BRUNA- supposto... supposte ... mamio mio che bröt de, sperom de pö sbagliam

LINA- sbagliat..? ma set sicuro de igo chel giöst???

BRUNA- so sicüro... el pachet col viagra el me restat sol banc !!!

LINA- viagra ma che centro el viagra ?

BRUNA- ma té set mio dré a parlà del poer Tonino... che l'è finit a l'uspedal  
perché el sè mangiat, pensando che l'eres viagra... tre suposte de  
glicerina ???

LINA- ma no, me parlae del bigliet de la lotterio de Agnano.... argü a Calvisà el  
ga vinsit el prim premio... 4 milioni di euro !!!! pensae ta vuliet mio  
faghel sai a nusu per mio sparter !

BRUNA- en bigliet ga lo apoa mé... ma l'è l'öltemo robo che gò en ment en chel  
moment ché !!! poer Tonino... ma come sa fa ...a magià na suposto ???

LINA- penso se ta gheret vinsit.... oter fat che viagra e supposte !!!

BRUNA- l'asem 'nda che go amo la farmacio sarado... se go insit, tal faro saì!!!  
ciao !!! *(e se ne va)*

LINA- *(al pubblico)* mangià na suposto el pöl capità...ma tre !!!...*(a Ezio e  
Aldo)* el se sgagnat tre supposte pensando che l'eres viagra.... ma chi  
gherel de na a troa Tonino??? ... Tonino l'è pöt !!!!

ALDO- altra cilecca

EZIO- cilecca ? che pö che oter : ci .... sgagna !!!

## FINE SECONDO ATTO

# TERZO ATTO

## GIANNI SILVIO EZIO E ALDO SONO SEDUTI AI TAVOLINI DEL'OSTERIA

GIANNI-ormai el la sa töt el paes, che argü l'è deèntat sior con la lotterio

ALDO- e de sicur el vegnarà mio a dignel a noter

SILVIO- addio sogni de fa festo....

## ARRIVA DON ALFIO ARCIPRETE DI CALVISANO

DON- ardei che, i me lavoratori.... sif en pauso caffè?... encö ofre mé dai

GIANNI- ah per me che so en pensiù aluro un caffè ...looonc.. looonc...come un treno

ALDO-aluro me che fò le tinte el voe macchiato !

EZIO- me che so el tabachi e vende le sigarete.... caldo caldo... fumante !!!

SILVIO- e me visto che ma toco fai aluro bearo el caffè... de la caso ! e lü don

Alfio per restà en temo che beèl... un cappuccino ?

DON-Ezio ma ocór en vaglia postale... go de manda dei solcc en...

ALDO-Burundi ?

SILVIO- Ruanda ?

EZIO- Zaire ?

GIANNI- Etiopia ?

DON- no... staolto en Malì... ma ...va dal fastide ?

GIANNI- no no ... ma pero là ... riei ?

DON- eh staolta gò prope poro....., iè mio i solicc milo o dumilo euro... staolto ie trentomilo !

TUTTI- trentomilo !!!!!

DON -Don Mario el gà de fa un poss e comprà en tratur...

ALDO- trento milo... ma da che bando .... ?

DON- la provvidenso...ier sero... lè stado la provvidenso, ma sa la spetae gnà me tanto provvidenso.... le vie del signore sono infinite !!!

EZIO- ier... sero.... daanti a la televisiù?

DON- ma ier sero...chi la visto ?

GIANNI- me.... lo mio est ...ma lo sintit a la radio... minuto per minuto !!!

DON- quando go est töcc i nömer en sovranspressiù... go ciamat sübit...e i ma dit che i sares vignicc amo stamatino...che robe però el fa el progresso !!!

ALDO- ma ie gnicc amo stamatino ?

DON- certo, iè gnicc... i ga controlat che l'eres prope chel giost ... i la töt sö e i ma lasat i solcc !!! e me de tanto provvidenso rende partecipe don Mario el missionario che ghe en Malì

GIANNI- beato lü che con tötò chelo provvidenso el pöl render felice el so amico ... don Mario ...ma podaresem mio partecipa a pò a noter a tötò chelo provvidenso le ? podaresem organisas e meter en pè argoto ,töcc ensemo !!!

DON- ma certo, come no, ma faresef la persuno pö cunteto del mont !!!

GIANNI-oh brao... brao el nos parroco !!!

DON- se ma quat..? (*e fa segno con indice e pollice per indicare ...soldi*)

GIANNI- ma ... me pensaresse .... 1000 euri, che disif voter ?

ALDO- se se... 1000

SILVIO- 1000 ie ase de sicür

EZIO- 1000 i va be... se dopo ocorarà amo argoto.... sa sentom

DON- so propes cuntet... pensae mio che seref ise disponibili!!

GIANNI- el vedara che festo ....envidom töt el paes a partecipà

DON- tot el paes???... ma aluro ciao che milo euro !!!

GIANNI- el vedarà che i fom vi ase !

DON- ades go de nà ... go el funeral del poer Moretto,... me el vaglio el spedese lunède... quando pudif damei i voscc 1000 euro ?

GIANNI- ma come ?... l'è lü chel ga de damei a noter !!!

DON- me ??? ma ghif mio dit che vulif partecipa apo a oter a la gioio de öta ... Don Mario

GIANNI- ma che gal capit... noter vuliem partecipa a la provvidenso...la vincito dei 4 miliu de euro del bigliet de la lotterio de Agnano !! pensaem che l'eres lu la persuno de Calvisa che ghero insit !!! gal mio parlat de la provvidenso ... a la televisiù... ier sero ?

DON- ma me ier sero go est "CHI LA VISTO" e go riconsit el barboncino de una siuro de Bresò che l'ofrio 30 milo euri a chi la truaò.... e me l'ere truat... a l'oratore.... propes giuedè !!!

GIANNI- quindi niente lotteria ?

DON- me de bigliecc ga no mio... forse la me perpetuo... ades go de na... comunque se vulif l'offerto per Don Mario la resto semper deertò !!! va salute (*e se ne va un po seccato*)

GIANNI- staolto pensae propes de igo scoperto chi ghero insit...

ALDO- me pensae za al banchetto

SILVIO- e ades gna tocara tira fero 1000 euri per Don Mario... senò Don Alfio el gna scomunico

## INTANTO ARRIVA ELENA LA MOGLIE DI ALDO

ELENA- (rivolta al pubbilco) che vias...! So chè straco cupado!!! Da Riultelo a Calvisa, quatr'ure !! iè finicc i tempi che tocc i ma cargao so, quando fae l'autostop:

ades i freno..... i ma da ociado... e via... ! ingrano la quinto e i ma laso a pè !!! furtuno che a Castiù ghè pasat un volontario de la carità... e el ga fat una bunò asiù !!! nient, per stao lto l'è nado be... (guardando in giro e nella barberia) sercom el risidur... (poi rivolta al bar)...

ELENA- ardei ché i tré maschettieri... e te dardagnan perché set mio a laura el possibil che el sape pö tant el tep che ta paset che de föro che en butego ?

ALDO- se ghe nüsu ...deter che ga stoi a fa ?

ELENA- scuo... spolvero neto foro en po, ghe semper pie de pei che ma someo la tana de un orso

ALDO- te Elena set per caso en do l'è el bigliet de la lotterio de Agnano che go cumprat da Ezio ?

ELENA- ga lo me ... che nel bursì... se tal lasae a te ta ga scriet sö argoto e po tal casaet chisà endoe....(*cerca nella borsetta*) ardel che

ALDO- fam veder

ELENA- calmo cos'elo töto chesto curiosità.... che öt sai ?

ALDO- dim come el cumincio e come el fenes !

ELENA-el cumincio con 4VQLO...

TUTTI ASSIEME- e come fenesel ???

ELENA- el feness per.... ma che ghif enfati comöt vuli sail töcc

ALDO- Elena möet föro dim l'öltem nömer ... voe saì se gom vinsit !

ELENA- vinsit?... ma quat ?

ALDO- tal dise dopo ...dim l'öltem nömer !!!

ELENA- l'öltem l'è.... el nömer.... 3

ALDO- che sfff..fürtuno... ta gheret de dim öt!!... saresem deentacc milionari!!!

ELENA- ma che ghè scrit 3 che goi de fago... ma argü ga de enser ?

ALDO- argü a Calvisà ga insit 4 milioni de euro !!!

ELENA- qua... qua...qua...

GIANNI- oh... ghet encontrat Rico nel vegner ché ?

ELENA- quater miliù !!!! ma chi el ?

EZIO- ghe riat Agata Cristi... el som gnamo !

## **INTANTO ARRIVA LA FARMACISTA BRUNA**

ELENA- te Bruna el set che gom en milionario a Calvisà?

BRUNA- el so e go che el me bigliet... el cumincio con 4VQLO

ELENA- e magari el finess con el nömer 8

BRUNA- magari .... go za controlat col giornal... ma el me el finess col nömer 2 ... ma ghif za sait chi ga insit ?

ALDO- magari...ma ricapitoliamo... el 2 la ga la Bruna, el 3 ga lo me, el 5 el ga la Silvio, el 6 el ga la Ezio, el 7 el ga la Gianni, l'8 l'è chel vincente,... quindi manco el 1 el 4 el 9 e po el 0 !

BRUNA- me so nado a trua Tonino... e el ma dit che lu de bigliecc el n'ero mio cumprat

ELENA- stal mal Tonino ?

BRUNA- lasom perder.... giü che mangiò le suposte el ga ia mio töcc a cazo, i ga fat la lavando gastrico... ma el ma dit che ghe restat un bröt saur en boco !!

**INTANTO ZITTA ZITTA ARRIVA BIANCA E SI SIEDE SULLA PANCHINA FACENDO FINTA DI LEGGERE E OGNI TANTO SI VOLTA E FA GLI OCCHI DOLCI A GIANNI.**

ALDO- te Gianni ardo chi ghe

GIANNI- orpo cane... la maniaca, e adses che fomei?

ALDO- l'è dre a fat gli occhi dolci... forse ga som !!! vai coraggio !!!

GIANNI- goi propess ?

ALDO- me nono el disio sempre.... “ a na sa leco ... e a sta sa seco !!! “

GIANNI- ma to nono gherel propes nientoter de fa che spara casade ?

ALDO- Gianni... la ta mandat un basi con la ma .... vai.... caelo föro !!!

GIANNI- staolto la ma toco

SILVIO- coraggio!!!

**GIANNI VA SULLA PANCHINA DA BIANCA**

GIANNI- ciao Bianca.... pode sentam zo ?

BIANCA- ma certo .... che visì a me !!

GIANNI- eh... siamo qua... che belo giurnado ne ?

BIANCA- l'è forse el de pö bel de töt el mes de giugno

GIANNI- Bianca ma ...encö el mio el 3 de giugno

BIANCA- i sentet apo a te i'usili come i canto ?

GIANNI- Bianca ... vegnom al sodo... ga l'et che el bigliet ?

BIANCA- (*Bianca si gira di scatto verso gli altri che di scatto si voltano o fanno finta di niente, poi sottovace*) certo che ga lo... che söl cor (*indicando di averlo nel reggiseno*)

GIANNI- e... famel veder !

BIANCA- ghet mio oio de na a töl ? (*e poi chiude gli occhi*)

GIANNI- (*parte sparato per prenderlo ,poi si blocca ,guarda il pubblico come a dire “ma che cavolo sta facendo”*) ma .... forse l'è mei che ta mal daghet te

BIANCA- va be... timidone (*e lo tira fuori dal reggiseno, Gianni fa per prenderlo ma lei lo porta dietro alla schiena*) e no... ogni numeretto un bacetto !!!!

GIANNI- (*Gianni si volta verso gli amici che gli fanno segno di andare avanti*) un... bacetto ????

BIANCA- primo numero.... 4... bacetto ! (*bacetto*) secondo estratto... lettera V.... bacetto (*e così per tre o quattro numeri*)

GIANNI- Bianca go capit ch'el blochet l'è chel giöst... me ades voe sai l'öltem nömer !!!



BIANCA- madoro che fresco che ta ghet.... e dopo... se l'è chel giöst ?  
GIANNI- möet föro... dai da brao !!!  
BIANCA- l'ultim.... l'è un nomer... se se.... un nömer che sa scrif con quater lettere...

GIANNI- (*conta con le dita uno, due ecc... poi guarda il pubblico e dice con il labbiale... otto!!! poi guarda Bianca*) set... sicuro ?

BIANCA – so sücuro... l'è propes el nove !!!

GIANNI- ma come nove ? l'è mio otto ?

BIANCA- no no ardo apo a te... nove !!

GIANNI- (*alzandosi in piedi*) ma va a dormer... chel bigliet che l'è come el me ... el val nient... (*pulendosi la bocca con la mano*) e mè tocat dat apo sic basi !!!

BIANCA- taederet che ta möret mio !!!

GIANNI- scecc... cilecca !

TUTTI- no no... ci bacia !!!! (*tutti sogghignano*)

## INTANTO ARRIVA L'OSTETRICA

IMELDA- ecol che el biglietto vincente .... apeno parturit da la fürtno !!!

EZIO- se la la parturit la fürtno l'è nasit dal cu...

BIANCA- sssst... sito che diset sö ?

EZIO- oh... vulie di dal cuuumbinas... de certe situasiù !!!

BIANCA- ciao Imeldo.... set sicuro che l'è chel giöst ?

IMELDA- ghif de dimel voter.... de giornai ga n'ero pö .... gna a Viadana

EZIO- dim i prim nömer... e l'ultim !

IMELDA- se ma se go insit che goi de fa... me el so mio.... chi ma ia da i solcc ?

EZIO- tal spiegom dopo... dim come el cumincio el to biglietto ?

IMELDA- el cumincio con 4VQLO

EZIO- ga som... dim l'oltem nömer...

IMELDA- ma soi sücuro che ma otif dopo.... me so mio come fa...

EZIO- dim l'oltem nomer

IMELDA- l'è... el giü.!!!

EZIO- caro la me Imeldo de preoccupasiù ta ga net pö... el tò biglietto el val na merdò... come töcc i nosce !!!

IMELDA- aluro ier sero l'è stado na serado propess sfürtunado

BIANCA- co perché ?

IMELDA- col biglietto go insit nient ... e de Tonino go est gna l'ombro... el ghero de egner a caso me ... a ber na camomilo e lo mio pö est !

BIANCA- (*al pubblico*) eco en dol ghero de na Tonino... col viagra !!!!  
(*a Imelda*) ma el set mio che Tonino l'è finit a l'uspedal ?

IMELDA- udicere ma che ghe sucess???

BIANCA- el ga de igo mangiat argoto che ghe stat söl stomec... cori va a trual... che el ta contara lü come l'è nado!!! (*e Imelda scappa via*)

ALDO- e anche el giü... som chi ga l'ero.... gna resto amo el quater, el zero e naturalmente l'ott !

EZIO- en bigliet la ga de ighel la perpetua de don Alfio

GIANNI- *(che da un po osservava il suo biglietto urla )* porco giudo... ga som... che gnuranc che som !!!

ALDO- che sucet enfati...

GIANNI- el bigliet... ma ghif proat a leser el bigliet ?

ALDO- lo lisit milo olte ma el me el fines semper per 3

GIANNI- pröö a lisil bé !!!

ALDO- lotteria nazion....

GIANNI- ma no... la serie!

ALDO- quattro , vi ,cu, l , o, sette, sei ,uno, nove, ci ,otto,

GIANNI- ghet sintit ? apo a oter ghif scultat be ??

EZIO- te Silvio che ghet mitit nel caffè de Gianni ?

GIANNI- el bigliet el gna parlo... el vol dim a chi l'è en ma !!!

ALDO- te Bianca ma che rossetto duperet... lüche l'è partit per la tangente

GIANNI- ma toco taiafelo zo a fitine.... scultim bé... ciapi el bigliet e lisi con me



GIANNI- qua- trovi culo se tte sei uno no-veciotto ... trovi culo... uno no veciotto... giü zuen ...o che el someo zuen

ALDO- pero... ta ghet na belo fantasio... ma el bigliet ta dizel mio apo chi l'è ?

GIANNI- gom de trua giü... zuen ...pö zuen de noter

SILVIO- un puti con el bigliet ? ma chi podares esser ?

## IN QUESTO MOMENTO ARRIVA RICO CON LA MAGLIA DELL'INTER CON IL LUTTO

RICO- cia ciao a töööccc

GIANNI- ecol che giü che sa cret zuen.... e che el ga dit che el ghero un bigliet soto scecc !!!

SILVIO- oh ciao Rico... come stet...comot ta ghet el lutto al brass... ghe mort Moratti ?

RICO- no no so nat al fufu funeral dede del Moretto... ghero po...po...poco sent!!!

**SILVIO-** ve che chè ta ofre un gelato, dai sentet zo  
**RICO-** me el vo vovoe al gusto de cece cece...  
**GIANNI-**de ciliegia ?  
**RICO-** cece cece....  
**ALDO-** cece cici cioccolato ?  
**RICO-** (*cantando*) el voe al gusto de cedrato!!!  
**TUTTI-** barabonzi bonzi bo  
**SILVIO-** se tal voet vert ga lo al pistacchio  
**ALDO-**(*facendo segno con i pugni*) tra un pistacchio e na cedrato... ghe mio tato  
diferenso !!!  
**RICO-** sese ma el pipi pistacchio dopo, pipi pissichel come la cece cedrato ?  
**SILVIO-** certo certo... (*a Lina*) Lino preparo un gelato vert al pistacchio per  
Rico  
**GIANNI-** te ... Rico , ma gheret mio dit che ta ga l'eret apò a te un bigliet de la  
lotterio ?  
**RICO-** se ma ga lo dat a pipi pixi  
**GIANNI-** Pixi.... e chi saresel Pixi ?  
**RICO-** l'è el me amico... del cucu cucu...  
**SILVIO-** amico del chiiii ? del cuuu!!!  
**RICO-** del cucu cuore !!!  
**GIANNI-** ma Pixi... gal la cuo ?  
**RICO** – cece certo e apo du baba baba  
**SILVIO-** oh ma tra cucu e baba che som un po söl volgarot! Rico che ei sto du  
baba ?  
**RICO-** du ...baba baffi !!!  
**GIANNI-** e ga l'et dat a lü el bigliet ?  
**RICO-** ga lo mimi mitit nel sòcucu cucu....  
**GIANNI-** endo ga let mitit ???  
**RICO-** nel so cucu culari !!  
**LINA-** ecol che el gelato vert al pistacchio pö bu del mont !

### **RICO COMINCIA A MANGIARE E IL GRUPPO SI STACCA DA LUI**

**GIANNI-** scecc gom de trua assolutamente el gat de Rico ... so sücür che el  
bigliet vincente el ga la lü !!!  
**SILVIO-** dai aluro sercomel per töt el paes  
**EZIO-** se ma... de che culur el ?  
**GIANNI-** te Rico... de che culur el Pixi  
**RICO-** l'è gris ...quaqua quasi negher  
**GIANNI-** Bianco vegnet apo a te a serca Pixi???  
**BIANCA-** Certo...micione mio

**TUTTI INCOMINCIANO A GIRARE PER IL PALCO E NEI NEGOZI ,  
SPARENDO DALLA SCENA DICENDO MICIO MICIO... PIXI  
ECC.. E RICO RESTA SOLO A MANGIARSI IL GELATO**

**RICO- ( *al pubblico* ) i ma fregat... el pipi pistacchio el pipi pissico mio !!!!**

**POI UNO ALLA VOLTA TORNANO**

**GIANNI- ( *pulendosi il viso pieno di rossetto* ) me gacc no mio est...ma go na gatò  
de pelà....**

**SILVIO- me no est tre de gacc, giü bianc e du marù!**

**EZIO- me gna chei**

**ALDO- bisogno fasel di... dai Gianni sotò**

**GIANNI- aluro Rico, erel bu el gelato al pistacchio ?**

**RICO- la pro prosimo olto vo voe chel de ce cedrata !**

**GIANNI- ma set en do l'è Pixi... vuliem regalago un campanili de meter al col**

**RICO- el gaga la zà**

**GIANNI- emmm.. vuliem... mitigo en bel fulari... magari el ga fret !**

**RICO- un fu fulari ? aardo che l'è mimi miò na fo fonno el me Pipi pixi !!!**

**GIANNI- ensomo vöt na a töl... che noter vulom cunusil ? dai cori !!**

**RICO- vo sü...sü....sübit ma stöfo mio**

**RICO SI ALZA ED ESCE**

**ALDO- che fom se el bigliet l'è chel vincente ?**

**EZIO- sa fom pagà almeno una seno da so mamo !!!**

**SILVIO- al Gambero de Gavazi però !**

**RITORNA RICO CON UN SACCO DI IUTA**

**RICO- eeecol che... sti ate atenti che encö l'è un po popo nervus**

**GIANNI- ma comöt el tegnet en de un sac ?**

**RICO- sese seno el sca scapo e ma toco cucu curigo dre per töt el Saüc (*fosso*)**

**SILVIO- del resto sa dis : non dire gatto finche non l'hai nel sacco !**

**EZIO- dai Rico tìrel föro... famel veder**

**RICO- ades el ga popo poro bisogno caca caresal un po e fal caca calma**

**EZIO INFILA UNA MANO NEL SACCO**

**EZIO- orpo che pel morbido ch'el ga..... ma de che rasò el ?**

**RICO- el so mio mmme... l'ho caca catat visi al popo pont dei frati(*ponte sul  
fosso*)... atento che aaaa olte el pipi pi....**

**EZIO- aaaahhhi che più ...**

**RICO- ta lo dit...che'l piao, popo poer Pixi sa et che el ga popo poporo**

GIANNI- dai... tirel föro el sarà.... stöff dé sta le al scür.... piano piano

### **RICO INFILA LA MANO E PIANO PIANO ESTRAE UNA NUTRIA (topo) DI GROSSE DIMENSIONI E TUTTI URLANO E INDIETREGGIANO**

GIANNI- un tupu... ma set mat ....che schers saresel chesto???

RICO- che chesto l'è el me aaaamico Pixi !!!

EZIO- udicere ma piat en tupu... ma sa sete mal !!!

ALDO- l'è na nutrio... e belo grosso ...se el la et el me amico Barci el ga sparo de sücür !!!

RICO- sparà a Pixi ... ma sif mama macc... aaaiuto ( *rimette Pixi nel sacco e fa per scappare* )

GIANNI- ma no ... noter ga ulom bé a Pixi ... ma che sparà... dai famel veder tirel föro

RICO- ma aaadess el ga popo poro

GIANNI- el bigliet en do galal???

RICO- (*togliendo Pixi dal sacco* ) che che nel sca scatuli tata cat al cucu cucu culari

GIANNI- dai famel lezer ... voe sai se ta set deentat sior

RICO- el bigliet ormai gaga lo rere regalat a pipi pixi

GIANNI- se Pixi l'è deentat sior ... set mio coso el pudares cumpras...un...un ... foss tet per lü... senso pö nisù che ga da la caccio !!!

RICO- ecol che ( *e da Gianni il biglietto* ).... gaga gal vinsit ? me so mio bubu de lezer i nono nomer

GIANNI- aluro...4VQL.... porco giudo finale... 4... caro el me Rico el to Pixi le poaret come... un tupu

RICO-Pixi , gaga gal vinsit neent... vuvu vulie cucu cumprago i croccantini .....che gaga ga pias ise fes !!! (*e col suo topone sotto braccio se ne esce di scena* )

EZIO- Aldo te che ogni tat ta taet so argù ....che diset el mei mitigo sö en po' de alcool a chel più ché ?

ALDO- se se fat porta da Silvio en bicer de grapo e micheghel deter

SILVIO- vo a töl (*va nel bar*)

GIANNI- manco du bigliecc.... el zero e l'ott... chi ga iarà ?

### **INTANTO ARRIVA DON ALFIO CON LA SUA BICICLETTA NERA**

DON- me pode dif chi ga el nomer zero.... la me perpetua... quasi ga ve en culp, nel lezer i nömer söl giurnal, la ga et mio tat be e la gh'ero scambiat el zero con l'ott.... l'è stado des minucc en paradiss e quando so riat me l'è turnado sö la tero... va salude, vo al ricovero dai me nunì (*esce di scena*)

GIANNI- quindi manco apena el nömer ott... per me argù l'è dèentat milionario el vül fal sai a nisù

ALDO- o senò el la sa mio de eser dientat milionario

SILVIO- gom de capeser chi l'è.... e dighel... poari

### **INTANTO ARRIVA UNA GIORNALISTA CON UN CAMERAMEN**

LETIZIA- buongiorno da Calvisano da RADIO SUPER TV Letizia vi racconta la notizia... Calvisano il paese dove è stato vinto il primo premio della lotteria di Agnano ...ci accingiamo a intervistare qualcuno

ALDO- ghe riat "strissia la notissia"... disomego nient ...se no ciao cena per töcc

SILVIO- ta ghet risù... fom a parì de fa a parenso

LETIZIA- buongiorno, siamo a "Teleracconto" Radio super tv.... siamo qui per la lotteria di Agnano

GIANNI- la ardes che qui siamo a Calvisano... mica a Agnano

LETIZIA- lo so benissimo , ma si dà il caso che i soldi di Agnano siano finiti a un vostro compaesano

SILVIO- li a vinsicc un nostro compaesano?

LETIZIA- ma qua da voi non arrivano i giornali ?

EZIO- si... ma la guardes che qui noi siamo tutta gente onesta... che la sa fa gli affari sò... e non va in giro a nasare ....non chiede ne di sano ne di lano delle cose dei oter !

LETIZIA- quindi voi non sapete chi ha vinto... non sapete chi possa essere il fortunato?

GIANNI- burliamo giu dai niggoli

LETIZIA- per me sarebbe uno scoop intervistarlo !!! non c'è niente che posso fare per sapere almeno dove abita ?.... un camparino per tutti ?

GIANNI- la ol comprarci con l'aperitivo.... ma se ghessem de sapere chi è ...altro che camparino !!!!

ALDO- la può scooppa chel che la öl... ma noi non sappiamo nigot

### **INTANTO SI E' SPARSA LA VOCE DELLA TELEVISIONE E LA PIAZZA SI RIEMPIE DI TUTTI I PROTAGONISTI**

SANDRA- pol darsi che a vincere sia stato uno che vegniva da fuori paese... io sono la tabacchina e la settimana passata ho venduto molti biglietti a furester di passaggio !!!

LETIZIA- (*a Rico*) lei che mi sembra un tipo sveglio , sa dirmi chi è il vincitore? (*Rico rimane impietrito davanti alla telecamera con la bocca aperta*).... come non detto, qualcuno puo darmi qualche notizia interessante ?

EZIO- (*arriva col dito nel bicchiere di grappa*) io sono il tabachì... e so che i biglietti venduti a Calvisano.... non hanno vinto niente a parte uno che non si sa chi ce l'abbia comperato

LETIZIA- ma cosa fa... il dottore le ha ordinato di bere solo un dito di grappa?  
quindi vorreste farmi credere che nessuno di voi conosce il signor  
Rino?

TUTTI.- Rinoooo ?

LETIZIA- ma come non sapete che il vincitore ha spedito la cartolina con tanto  
di nome e cognome ?

GIANNI- si ma... Rino ...chi ?

LETIZIA- Rino Mazzucchelli di Calvisano... non ditemi che non la conoscete ?

LINA- Mazzucchelli .... mai sentito !

BIANCA- gna me lo mai sintito... l'è propes giù de foro

IMELDA- ma se la ga dit "di Calvisano" !!

ELENA- Mazzucelli... magari l'è de Malpago

LINA- Sandra ta ricordet mio se ghe gnit argü de le frasiù a töen bigliett ?

SANDRA- a ma ricorde prope mio

GIANNI- chi podares conusil?

EZIO- se ghe giù che conos töcc a Calvisa .... l'è el pret

DON-( *don Alfio ha sentito le ultime parole* ) chi garese de conoser?

GIANNI- gom scoperto chi l'è che ga insit a la lotterio !!! un certo Rino  
Mazzucchelli !!!!

DON- ma de bu ?... a poer Rino !

ALDO -poer ? beato lü !!!!

DON- ta pödet di propes beato !!!!

GIANNI – ma chi el ensomo el cunosom noter ?

DON- el cunusif tocc !

SILVIO- el un me client ?

DON –el sara gnit apo a venerde de matina... de sücür !

EZIO- el na dises chi l'è che nom a digo che el ga insit !

DON- pense che a lü el ga'n freghes propes mio de igo insit

GIANNI- ma chi el ... per fregasen de 4milioni de euro ?... el isé sior ?

DON- caro el me pensionat... en certe situasiù i solcc ie l'oltema robo !!

LINA- ma ensomo ... gna disel chi l'è ?

DON- el so nom ga lif scriit da du de en chelo piasò ché... ma nüsü se enteresat  
de lisil !!!

GIANNI- ma endoe ?

DON- là.... ensimo a chel mortore !

## **TUTTI SI GIRANO A VEDERE L'EPIGRAFE APPESA TRA IL PRIMO E IL SECONDO ATTO**

TUTTI- el Moretto !!!!!



**LETIZIA-** mi sembra di aver capito che a vincere sia stato un morto !

**DON-** ha capito bene.... un morto che viveva alla casa di riposo... un nonnetto sempre allegro con tutti specialmente con i bambini

**IMELDA-** certo, el ga dao sempre le caramele a töcc i pütì

**SANDRA-** l'ero debù 'na brao persuno, el sa fao ulì be de töcc.

**IMELDA-** ghe mio bisogn dei miliardi per fas uli be, a olte basto poc, anche un gesto semplice; e pensà che fae finto de mio idil el poer Moretto.

**ELENA -** ta ghet risù noter grancc faem prope finto de mio idil e ades chel ghe pö sa 'nteresom de lü perché le milionare.

**LINA-** e nüsü de noter l'e nat al so funeral.

**RICO-** me so so so nat e ghero apo a pi pi pixi.

**GIANNI-** l'oter de nel vegner föro de la tabacherio el vulio basam sö e per despetulamen go dat 5 euri per comprà le caramele

**EZIO-** e me che ghere mio de dago el rest go dat un bigliet de la loterio...e prope chel vincente!!!

**LETIZIA-** ma i soldi della vincita che fine faranno?

**DON ALFIO-** Andranno sicuramente destinati in beneficenza.

**SILVIO-** Ciao banchetto

**EZIO-** *(che si beve la grappa)* Adio fistunò

**GIANNI-** che rabbio e pensa che me go cumprat el nömer set... che stüpit... pudie mio cumpran dù de bigliecc !!!

**ALDO-** ma.... veramente ta gheret dit che de bigliecc ta ga neret dù ?... chel de Roma ta ricordet miò ?

**GIANNI-** ta ghet risù, ardel che,... Silvio endoel el giornal ?

**SILVIO** ecol che ... dim i nömer che controlom

**GIANNI -** C6OCFAI1QL8



**SILVIO-** Gianni.... tombulo ardo che, ghe apo la frase: – C6OCFAI1QL8  
venduto a Roma !!!! 50 mila euro!!!!

**ALDO-** ci sei...ci fai...uno culotto? ma chi el che stampo i bigliecc de le lotterie ?  
chei de zelig ?

**GIANNI-** 50 mila euri ?....cento miliù del vecchio conio? alè töcc a taulo ofre  
me!!!!

**RICO-** scecc...ma envidom apo po el vecchio coco conio ? (*al pubblico*) ise  
finalmente riri rie a cucu cunusil... se l'è ècc el stara apo a lü al riri  
riiicovero !!!... magari el cucu cunusio el Moretto !!! a la vita l'e na  
lo..lo...lotterio!!!!... me vo...vo...volarese cöntaf 'na möcio de robe ma  
se vo aaaanti ise ma ga ga ol tre de e aluro che fo...fo...foi?

**TUTTI-** Rico canto!!!

**RICO-** e me aluro ca...ca...cante....

**RE SOL RE SOL RE**  
*Corer brigà e das de fà, l'è gnamo encö che le za dumà*  
**SOL LA RE SOL LA RE**  
*Ma quando sarà che riarom a capì 'ndo som dre a finì*

**RE SOL LA RE SOL LA RE**  
*Perché la vita l'e 'na lotteria, sa spero sempre nde'l nomer che rio,*  
**SOL LA RE SOL LA RE**  
*ta stet le tant a fat de le illusiù, el de dopo ta toco oltà galù.*

*L'è chè som sempre pö ciapacc, e vedom mio a na spano dal nas,*

*ma quando sarà che riarom a capì, che la furtùno ga l'om che visì.*

*Perché la vita l'e 'na lotteria, sa spero sempre nde'l nomer che rio,,*  
*ta stet le tant a fat de le illusiù, el de dopo ta toco oltà galù.*

*L'è el barber el pensiunat e l'oster, l'e el tabachì e so moer,*

*ma quando sarà che riarom a capì, che la furtùno ga l'om che visì.*

*Perché la vita l'e 'na lotteria, sa spero sempre nde'l nomer che rio,*  
*ta stet le tant a fat de le illusiù, el de dopo ta toco oltà galù.*

*fine.*



*Oliviero Migliorati*

Calvisano Via S.D'acquisto 17

Tel. 030-9686910 - 030 9172390

cell. 339-8771290

e-mail: [oliviero.migliorati@poste.it](mailto:oliviero.migliorati@poste.it)